

Ilanngussaq 3

Tusarniaanermi akissutit pillugit allakkiaq

Tulliuttuni tusarniaanermi akissutit allannguutissatullu siunnersuutit suliarineqassapput, Inatsisartut inatsisissaattut siunnersuutigineqartup piffissami 9. december 2017-imiit 13. januar 2017-ip tungaanut aappassaanik ilassutaasumik tusarniutigineqarnerani tiguneqarsimasut. Siunnersummik aappassaaneertumik ilassutaasumik tusarniaanermut tunuliaqtaavoq, siulermeertumik ilassutaasumik tusarniaanermi akissutit tiguneqarsimasut arlallit akissutit tiguneqartuni arlalinni siunnersummik isummersornissamut, sukumiinerusunillu tusarniaanermut akissutinik suliaqarnissamut piffissamik annertunerusumik pisariaqartitsisoqarneranik oqariartuuteqarneq tamatumunnga tunngaviuvoq. Aappassaanik ilassutaasumik tusarniaaneq taassuminnga akuersaarneruvoq. Malugineqassaaq, tusarniaanermut akissutit tamakkersimasunngorlugit ilanngunneqarsimammata akineqarsimallutillu naleqquttumik annertussusilimmik.

Naalakkersuisoqarfiup akissutai uingasunngorlugit allanneqarput.

1) IMAK

Meeqnanik inuuusuttunillu ikiorsiisarneq pillugu Inatsisartut inatsisissaattut siunnersuut pil-lugu ilassutaasumik tusarniaaneq pillugu tusarniaanermut akissut.

IMAK-ip siulersuisisa siunnersuut tiguneqartoq oqaloqatigiissutigisimavaat tulliuttunillu oqaaseqaateqarlutik;

Aallaqqaasiullugu IMAK-ip siulersuisisa unnersuussutigissavaa siusinnerusukkut tusarniaanermi akissutit nassiunneqarsimasut.

Inatsisissatut siunnersummut oqaaseqaatit nalinginnaasut:

IMAK-ip siulersuisisa akuersarpaat, inatsisissatut siunnersummi nutaami, pingaartin-neqarmat ujartuilluni sulineq, ilaqtarit tamarmik aamma attaveqaqtigiffiisa akisussaaffi meeraq/inuusuttoq pillugu aaqqiissutissanik suliaqarnermi kiisalu kommuni nalunaarutiginnit-toqarsimatillugu allakkatigut uppernarsaatnik nassiussisassasoq ilanngunneqarsimammata.

Aalajangiussanut ataasiakkaanut oqaaseqaatit:

Kap. 2, § 7 imm.3; Manna inatsisissatut siunnersummi aalajangersagaq oqaasertalersorsimattillugu, IMAK-ip siulersuisui suli isumaqarput, aalajangersagaq Inatsisinut tunngaviusunut akerliusooq. Taamatorpiaq oqaasertalersorsimanerata, kinguneraa kommunalbestyrelsip ullormiit siullermiit, § 45 misissuisoqarnissaa aalajangiunneqarsimatillugu, kinaassutsip allagartaanik takutitsiinnaarlutik akerliusooqaraluarpalluunniit angerlarsimaffimmut sumulluunniit isersinnaammata eqqartuussisunit akuerineqaaqqaanngikkaluarlutik. Siulersuisut paasinninnet naapertorlugu tamanna innuttaasut ataasiakkaat inatsisitigut innarlitsaaliugaanissaat eqqarsaatigalugu annertuumik akuliunneruvoq. IMAK-ip siulersuisui suli isumaqarput, kom-

munalbestyrelse angerlarsimaffimmut isissappata, tamanna pissasoq pisortani oqartussaasut eqortut peqatigalugit aamma tamanna pillugu eqqartuussisunit akuersisummit peqqaarluni, taamaallaat qularnarunnaarsinnejarsinnaappat, maannakkorpiaq nalliulluinnalersumik meeqqap pisariaqartitaanut navianartoqartoq.

Akissut: Inatsisini tunngaviusuni § 72-mi takuneqarsinnaavoq, inigisaq mianernartuusoq. Il-lunik misissuinerit, arsaarinninnerit aamma allakkanik pappialanillu allanik kiisalu allakkat, telegrafi aamma oqarasuaatitigut isertuussanik misissuinerit, taamaallaat inatsisini tunngavilimmik immikkut saneqqutsineq, pisinnaavoq eqqartuussivimmit akuerineqaqqaarluni. Taanna pillugu siunnersuutip § 7, imm. 3 toqqaannartumik periarfissaliisoq taamaattumik immikkut saneqqutsinermik, aalajangersakkami takuneqarsinnaasoq Naalakkersuisoqarfip naliliinera naapertorlugu Inatsisinut tunngaviusunut akerliunngitsoq.

Kap.7 IMAK-ip siulersuisui isumaqarput, tapersiilluni aaqqiinerit assigiinngitsut pillugit suli-niut annertuumik pingaaruteqartoq aamma taamaammat aalajangersakkat akuersaerneqartut, kisianni tassunga pisariaqarpoq, tapersiilluni aaqqiinernik taakkuninnga ataqtigii-saarisus-saq, s.i. ilaqtariit isumasioqatiginnerinut pisariaqartunik piginnaaneqarnissaat, taamaammat pikkorissarnernik neqeroortoqassasoq aamma tassunga isumalluutit pisariaqartut immik-koortinneqassasut.

Akissut: Oqaaseqaat inatsisip atulersinnejarnisaanut sulinerup ingerlaqqinnerani ilaassaaq, ilagalugu nalunaarutit aamma ilitsersuutiti suliarineqarneri.

Ilinniaqqinneaq aammattaaq qaffasissumik salliuinneqarumaarpoq inatsisip atuutilerneranut ilanngullugu. Tassunga atatillugu isumaginninnermut siunnersortinut ilinniaqqinnernik neqeroortoqarumaarpoq aamma annertuumik suliassanik suliariinnittartunut taakku pikkorissarnissaat anguniarlugu.

2) MIO

Meeqqat Illersuisuata 9. december 2016 Inatsisartut meeqqanik ikiuinissamut inatsisisssatut si-unnersummut tapiutitut tusarniutaat tigusimavaa. Meeqqat Illersuisuata qujassutigaa siusin-nerusukkut tusarniutigineqartunut, tassa ulluni 27. juni 2016 aamma 9. september 2016 akisutigisimasaminut akineqarsimanertik.

Meeqqat Illersuisuat aammaarluni oqaatigerusuppa nuannaarutigalugu inatsisisssatut siunnersuutip siunertaata nassuaatitaa, tassanimi takuneqarsinnaammat siunnersuutip siunerta-rimgaa soorlu meeqqat piginnaatitaaffiisa qulakkeerneqarnissaat, taamatuttaaq meeqqat immikkut ikiorneqarnissaminnik pisariaqartitsisut ikiorneqartarnissaat.

Inatsisisssatut siunnersummut oqaaseqaatigiumasat.

Angajoqqaat - aamma meeqqat akisussaaffiat

Soorlu tusarniummut akissummi 9. september 2016'meersumi atuarneqarsinnaasoq Meeqqat Illersuisuata § 25-mi Meeqqat akisussaaffiinut tunngasumi pissutsit akunnattoqartikkai.

Meeqqat Illersuisuata isumaqatigaa piginnaatitaaffiit akisussaassusermik malitseqartartut (takuuk tusarniummut akissut qup. 11), taamaattorli isumaqarluni meeqqanik oqaloqateqar-nermi tunngaviusumik angajoqqaanik oqaloqateqarsinnaaneq qaquguluunniit avaqqunneqas-sanngitsoq. Imaanngitsoq taamaallaat "angajoqqaanik oqaloqateqanngitsoortoqarsinnaanera-nik periarfissaqartoq". Tassanimi eqqarsaatigineqarpoq meeqqanut ajornakusoortunut imaluunniit equngasumik pissusilinnut angajoqqaat akisussaaffiat.

Akissut: Meeqqaqut akisussaaffik pillugu meeqqamik oqaloqatigiinneq § 25 (maanna § 24) malillugu kommunalbestyrelsip angajoqqaatut akisussaanermik pigisaqartumik angajoqqaamik oqaloqatiginninnissaanut periarfissaanik matusinngilaq, naleqq. § 24 (maanna § 23).

Meeqqaqut akisussaaffik pillugu meeqqamik oqaloqatigiinneq § 25 (maanna § 24) malillugu kommunalbestyrelsip angajoqqaatut akisussaanermik pigisaqartumik angajoqqaamik oqaloqatiginninnissaanut periarfissaanik matusinngilaq, naleqq. § 24 (maanna § 23).

Meeqqaqut akisussaaffik

Meeqqaqut Illersuisuata aammaarluni kaammattutigerusuppa meeqqaqut akisussaaffik (børnebidder) "Najorti"-mik taaneqartarnissaa. "Najorti" ullumikkut meeqqaqut akisussaaffik illersuisuaterneqartareeropoq. "Meeqqaqut akisussaaffik" taaguutitut atutissappat ilimanarpoq "Meeqqaqut Illersuisuater"-llu paarlaanneqartarsinnaanerat. Tamanna kikkunnuluunniit iluaqtaanavianneqimmat.

Meeqqaqut Illersuisuata qujassutigaa ataavartumik inatsisitut siunnersuutinut malinnaallunilu oqaaseqarsinnaatitaasarnini.

Akissut: Ilanngunneqarput.

3) Danskit Inuit Pisinnatitaaffiinut Ingerlatsiviat

Ilaqtariinnermut, Naligiissitaanermut, Isumaginninnermut Inatsiseqarnermullu Naalakkersuisoqarfik email aqqutigalugu ulloq 5. aamma 12. december 2016 Danskit Inuit Pisinnatitaaffiinut Ingerlatsiviat Naalakkersuisoqarfiiup piumaffigisimavaa meeqqaqut inuusutunillu ikorsiisarneq pillugu Inatsisartut inatsisissaattut siunnersuut pillugu aappassaanik ilas-sutaasumik tusarniutigineqarneranut arlaanik oqaaseqatissaqarnersoq.

Ingerlatsivik siusinnerusukkut tusarniaanermi akissuteqareersimavoq ulloq 1. juli 2016 al-laqqataanit inatsisartut inatsisissaattut siunnersummut aamma ulloq 30. august 2016 al-laqqitassiamut iluarsaatamut.

Ingerlatsivik pingarnertut isumaqarpoq, allaqqitassiaq manna pitsannguutinik pitsasunik ar-lalinnik imaqartoq. Ingerlatsiviup ilaqtigut akuersaarnartutippaa, ingerlatsiviup unnersuus-siuutaa Meeqqaqut pillugit Paasisimasallitut Qitiusumik Ataatsimiititaliap suliassanik suliarin-nittarneranut piffissaritinneqartoq inatsimmi toqqaannartumik aalajangerneqarnissaa, allaqqi-tassiamti ilanngunneqarsimammatt.

Ingerlatsiviup malugaa, ingerlatsiviup unnersuussissutaa, inatsimmi erseqqissumik takuneqarsinnaasariaqartoq, meeraq angajoqqaaminik attaveqarnissaminut pisinnatitaanera pil-lugu, naammassineqarsimanngitsoq, soorlu ingerlatsiviup unnersuussissutaa, inatsimmi aala-jangersakkamik ilanngussisoqartariaqartoq ilisimasallit Isumaginninnermi Naammagittaaliuteqartarfimmur saaffiginnissinnaanerat pillugu naammassineqarsimasutut takuneqarsin-naanngitsoq.

Ingerlatsiviup pingartututippaa, inatsimmi aalajangersakkanik pissutsit taakku marluk pillugit ilanngussisoqartariaqartoq aamma unnersuussissutini aalajangiusimavai, ingerlatsiviup tusarniaanermut 30. august 2016 akissutaani itisilerneqarsimasut.

Akissut: Ilaatigut ilanngunneqarput. Meeqqap angajoqqaaminik attaveqarnissamut pisinnatitaanera naammassineqarpoq ilanngussinermi § 46, imm. 4, imm. 3-mik nutaamik ilanngussinermi.

Ilisimasallit Isumaginninnermi Naammagittaaliuteqartarfimmur saaffiginnissinnaanerannut unnersuussissut naammassineqanngilaq. Pisortani oqartussat, paasissutissanik pingaru-tilinnik meeqanut suliassat pillugit ilisimasqartut assersuutigalugu sulianik suliarinninnig-

soqarnera imaluunnit sulinerluttoqarnera pillugu, periarfissaqarput ilisimasamik taassumi-nnga ingerlatseqqinnissaminnut nakkutilliisoqarfimmut isumaalulluni allagaqarnissamut.

4) NIISIP

Isumaginninnermi siunnersortit peqatigiiffiat NIISIP inatsisisattut siunnersummut allanik oqaasissaqanngilaq.

5) SIK

SIK meeqqanik inuuusuttunillu ikorsiisarneq pillugu Inatsisartut inatsisisattut siunnersuut pillugu ilassutasumik tusarniaaneq pillugu akissuteqarnissamut periarfissamut qujavoq.

SIK inatsisisattut siunnersummut siunertarineqartut tapersorsorneqarnissaat isumaqatigaa, ilagalugu siunnersuutip qitiutimmagu siusissukkut sulinuteqarneq aamma pinaveersaartitsineq, neriuginartumik ilaatigut, meeqqat ikinnerusut siunissami angerlarsimaffiup avataani inissinneqartarnissaannut aamma ilaqtariit amerlanerusut kusanartumik inooqatigiinnissaannut sunneeqataanissaa. SIK-p aamma pisortani peqataasuni pisussaaffiit akisussaaffiillu ag-guartaarneqarnerisa inatsisisattut siunnersuummi erseqqissarneqarnissaat aamma Namminersorlutik Oqartussani ataatsimut katusimasunik pilersitsisoqarnissaa meeqqanut inuuusuttunullu tapersiilluni suliap nukitorsarneqarnissaata tapersorsorneqarnissaat isumaqatigaa.

SIK-p aammattaaq, inatsisisattut siunnersuutip suliassaqarfinni arlalinni Naalagaaffiit Peqatigiit meeqqat pisinnaatitaaffii pillugit isumaqatigiissutaa atulersimmagit, ilagalugu meeqqat inuttut nammineersinnaasutut arlariinnik pisinnaatitaaffilittut isigineqarneri, ilagalugu meeqqap suliani imminut tunngasuni tusarneqarnissamut pisinnaatitaaffia tapersornartippaa.

SIK-p taassuma saniatigut, inatsisisattut siunnersuut ilaqtarsiat kommunimit ilaqtarsiatut akuersissummik peqarnissaat, ilaqtarsiatut inissinnginnerminni piumasaqaammik imaqarmat akuersarpaa.

SIK-p aammattaaq siunnersuutip § 34, imm. 1, tassani ersippoq, ulloq unnuarlu paaqqinnittarfiit Naalakkersuisunit akuerineqarnissaat aamma ingerlatsinermi isumaqatigiissuteqarnissaat isumaqatigaa. SIK-p tassunga atatillugu oqaatiginiarpa, akuersissummik taamaattumik angusaqarniaraanni piumasaqaatit ilagissagaat aamma akuersissut imaattariaqartoq, sulisitsisup sulisullu akornanni isumaqatigiissummik, ulloq unnuarlu paaqqinnittarfimmi aningaasarsianik atorfekarnermilu atugassarititaasunik malittarisassanik uppernarsaatissaqartoq, taamaallilluni ingerlatsivinni ataasiakkaani atorfillit aningaasarsiat atorfekarnermilu atugassarititaasut malit-tarissat naapertorlugit sulisinnaaqqullugit.

SIK siunnersummut allanik oqaaseqaatissaqanngilaq.

Akissut: Ilanngunneqanngilaq. Inatsisit naapertorlugit isummerfigineqanngilaq, ulloq unnuarlu paaqqinniffiit inuinnarmit pigisat kattuffinnik aalajangersimasunik aningaasarsiat aamma atorfekarnermi atugassarititaasut pillugit malittarisaliornissaq pillugu Isumaqatigiissuteqarnersut.

6) Atorfillit Kattuffiat

AK meeqqanik ikorsiisarneq pillugu Inatsisartut inatsisissaattut siunnersuut pillugu ilas-sutaasumik aappassaanik tusarniaaneq pillugu akissuteqarnissamut periarfissamut qujavoq.

AK inatsisissatut siunnersummut siunertarineqartut tapersorsorneqarnissaat isumaqatigaa, ilagalugu siunnersuutip qitiutimmagu siusissukkut suliniuteqarneq aamma pinaveersaartitsineq, neriuginartumik ilaatigut, meeqqat ikinnerusut siunissami angerlarsimaffiup avataani inissinneqartarnissaannut aamma ilaqtariit amerlanerusut kusanartumik inooqatigiinnissaan-nut sunneeqataanissa.

AK-p aamma pisortani peqataasuni pisussaaffiit akisussaaffiillu agguartaarneqarnerisa inatsi-sissatut siunnersummi erseqqissarneqarnissaat aamma Namminersorlutik Oqartussani ata-atsumut kattusimasunik pilersitsisoqarnissaa meeqqanut inuuusuttunullu tapersiilluni suliap nu-kittorsarneqarnissaata tapersorsorneqarnissaat isumaqatigaa.

AK-p aammattaaq, inatsisissatut siunnersuutip suliassaqarfanni arlalinni Naalagaaffiit Peqatigiit meeqqat pisinnaatitaaffii pillugit isumaqatigiissutaa atulersimmagit, ilagalugu meeqqat inuttut nammineersinnaasutut arlariinnik pisinnaatitaaffilittut isigineqarneri, ilagalugu meeqqap suliani imminut tunngasuni tusarneqarnissamut pisinnaatitaaffia taperser-sornartippaa.

AK-p taassuma saniatigut, inatsisissatut siunnersuut ilaqtarsiat kommunimit ilaqtarsiatut akuersisummik peqarnissaat, ilaqtarsiatut inissinnginnerminni piumasaqaammik imaqarmat akuersaarpaa. AK-p aammattaaq siunnersuutip § 34, imm. 1, tassani ersippoq, ulloq unnuarlu paaqqinnittarfiit Naalakkersuisunit akuerineqarnissaat aamma ingerlatsinermi isumaqatigiis-suteqarnissaat isumaqatigaa. AK-p tassunga atatillugu oqaatiginiarpa, akuersisummik taamaattumik angusaqarniaraanni piumasaqaatit ilagissagaat aamma akuersissut imaattari-aqartoq, sulisitsisup sulisullu akornanni isumaqatigiissummik, ulloq unnuarlu paaqqinnittar-fimmi aningaasarsianik atorfeqarnermilu atugassarititaasunik malittarisassanik upper-narsaatissaqartoq, taamaallilluni ingerlatsivinni ataasiakkaani atorfillit aningaasarsiat ator-feqarnermilu atugassarititaasut malittarissat naapertorlugit sulisinnaaqqullugit.

AK siunnersummut allanik oqaaseqaatissaqanngilaq.

Akissut: Ilanngunneqanngilaq. Inatsisit naapertorlugit isummerfigineqanngilaq, ulloq un-nuarlu paaqqinniffiit inuinnarmit pigisat kattuffinnik aalajangersimasunik aningaasarsiat aamma atorfeqarnermi atugassarititaasut pillugit malittarisaliornissaq pillugu Isumaqatigiissuteqarnersut.

7) KNIPK

KNIPK-p siulersuisuuneri 5.januar 2017 ataatsimiinnerminni aalajangerput imatut akis-suteqassallutik:

Peqqusummi piumasaqaataasut inatsit malillugu pitsaasumik sulisoqassappat siunertarlu iluamik kommuninit naammassineqassappat, inatsisiliortut eqcumaffigisariaqaraat kommu-nerujussuarni sullisisut pitsaasumik sulissappata suliaasa killeqartinneqarnissaat pisariaqratoq. Naallu isumaginninnermi suliaqartut aningaasarsiaat qaffanneqaraluartut torersumik su-lissappata sullisisut suliaat killeqartariaqartut. Imatut paasillugu kommunerujussuit akissa-qanngippata sulisut amerlinissaanut inatsisiliortut eqqarsaatigisariaqaraat ikaarsaariarnermi

tapiisinnaaneq. Taamaalisoqarpammi aatsaat sullissisut periarfissaqarnerulissammata pinaversaartitsinermut suliaqarnissaminut tassa ajornartorsiutit pilersinnagit suliaqartarnissamut.

Akissut: Ilanngunneqanngilaq, kisianni inatsisip atulersinneqarnissaanut sulinerup ingerlanerani ilanngunneqarumaarpooq.

8) Sulisitsisut

Sulisitsisut meeqqat inuuusuttullu ikiorserneqarnissaat pillugu inatsisartut inatsisaannut tulliutunik oqaaseqaateqarput.

Naleqqutissaaq inatsit taaguuissallugu ”meeqqanut inuuusuttunullu ikorsiineq pillugu Inatsisartut inatsisaat”, tassami inatsisit imaqarmat inuuusuttunut 18-nit 23-t tikillugit ukiulinut ikorsiilluni suliniuteqarnerup malinnaavagineqarneranik.

Akissut: Ilanngunneqanngilaq, pissutigalugu inatsisip pingarnertut qitiutimmagit inuit, inersimalersimanngitsut, suli 18-inik ukioqalersimanngitsut. Suliniuteqarnerup malinnaavigneqarneranik aalajangersakkat taamaallaat ilanngunneqarsimapput anguniarlugu meeraanermit inersimasunngornermut ikaarsaernermi ikorsiinnaaneq periarfissalerneqarnissaa. Inatsisip pingarnertut qitiutitai tassaapput meeqqat.

Sulisitsisut nalinginnaasunik allanik oqaaseqaateqanngilaq.

Aalajangersakkanut ataasiakkaanut oqaaseqaatit:

§ 16, imm.3-mut

Qallunaatuani tulleriinni marloriarlugu ”pillugu (om)” allaneqarsimavoq.

Akissut: Ilanngunneqarpoq.

§ 17, imm. 4-mut

Sulisitsisut kommunit paasissutissanik kommunimut nuuffigisamut ingerlatsitseqqinnissamut pisussaatinneqarnerat akuersarpaat, kisianni tamanna allaaserineqartariaqarpoq itisilerneqarlunilu, qanoq kommunip nuuffigisap ingerlatissaneraa/nuussinera paasissutissat/suliassat ingerlanneqassasut, ilaqtariit nunanut Skandinaviap avataanut nuuppata, tassani kommunit ilusilersorneri aamma inummut namminermut paasissutissanut malittarisassat ingerlateqqinnisaanut allanik maleruagassaqartunut. Tamanna minnerpaamik inatsisissatut siunnersuummut oqaaseqaatini allaaserineqartariaqarpoq.

Akissut: Ilanngunneqanngilaq, nunani Skandinaviap avataaniittuni tamani pissutsit nalunajarneqarsinnaanerat sapernarmat.

§ 31-mut

Inatsimmi allassimavoq Naalakkersuisut piumasaqaatini pingasuusuni ataatsimik “akuersisuteqassasoq” aamma aalajangersakkanut oqaaseqaat atorneqassaaq “akuersissut” aamma akuerineqarneq taarseraallugit. Sulisitsisut naliliipput, kommunlabestyrelsit aalajangigassari-gaat meeqqap inissinneqarnissaa akuersissutigineqassanersoq aamma inissiineq Kalaallit Nu-naata avataani pissappat Naalakkersuisunit “akueringarnissaq” imaanngitsoq “akuersisuteqarnissaq” piumasaqaataavoq.

Akissut: Ilanngunneqarpoq, oqaaseq "akuerineqarneq" taarserneqarpoq "akuersissummik"

§ 34-mut

Sulisitsisut Naalakkersuisut paaqqinnittarfinnut Naalakkersuisut ingerlatsinermik isumaqtigiissutilorfigisaminntum piumasaqaateqarniarerat isumaqtigat.

Aalajangersagaq oqaasiliorneqaqqittariaqarpoq, ima Naalakkersuisut paaqqinniffik imminut pigisunik akuersissuteqarfigissangikkaat, kisianni paaqqinniffimmik ingerlatsinermi isumaqtigiissusiorfiginiakkamit piumasaqaateqarsinnaapput pinngitsoornanilu naammassisasanik piumasaqarsinnaallutik.

Akissut: Ilanngunneqanngilaq, pingaaruteqartorujussuummat kiffartuussinerit pitsaassusaasa qaffasissuunissaat, meeqqanit inuuusuttunullu ulloq unnuarlu paaqqinnittarfinnut inissineqarsimasunut tunniunneqartut aamma kommuninit akilerneqartut. Akuersissummik pinis-samut suliap ingerlanera aamma ulloq unnuarlu paaqqinnittarfinnik nakkutilliinermut malit-tarisassat allaasereqqinnejqarumaarpum nalunaarutinngorlugu.

§ 36-mut

Imm. 1 oqaasertaliorneqaqqinnissaa eqqarsaatigineqarsinnaavoq, imaattuut pinngitsoorniar-lugu aamma kisitsit 1) peerneqassaaq.

Akissut: Ilanngunneqarpoq, aalajangersagaq kiisalu oqaaseqaatit tassunga oqaaser-taliorneqaqqipput.

§ 37 imm.4-mut

Isumaliutigineqartariaqarpoq, erseqqissarneqassasoq imm. 2 aamma imm. 3 meeraq angajoq-qaami angajoqqaatut akisussaaffimmik pigisaqanngitsumi paarsarineqarnerani atuutinngim-mat.

Akissut: Ilanngunneqarpoq, unnersuussissut imm. 2-mut aalajangersakkamut ilanngunneqarpoq.

§ 37, imm.7-mut

Qallunaatuani "takuneqarsinnaavoq (fremgår af)" tulleriiginnarnik marloriarluni allaqqavoq.

Akissut: Ilanngunneqarpoq.

Sulisitsisut siunnersummut allanik oqaaseqaateqanngillat.

9) Pinerluttunik isumaginnittoqarfik

Naalakkersuisoqarfuiup tusarniaanermut allagai ulloq 9. December 2016-imi pissutigalugit matumuuna, meeqqat ikiorserneqarnissaat pillugu Inatsisartut inatsisissatut siunnersummut ilu-arsaatamut oqaaseqaatit tulliuttut nassiunneqarput (Nanoq ID 4149108):

Pinerluttunik isumaginnittoqarfuiup akuersaarparaa, Pinerluttunik isumaginnittoqarfimmit oqaasertaliorneq siunnersuutigineqarsimasoq inatsisip § 36, imm. 2, normu 3 imaqartoq

qaqugu, ulloq unnuarlu paaqqinnittarfiit isumannaakkamik immikkoortoqarfian niisiiqarsinnaassaneroq inatsisip oqaasertaani ilanngunneqarsimasoq.

Taamaattoq suli malugineqarpoq inatsisip § 36, imm.3-anit ersarinnerusumik takuneqarsin-naasariaqaraluartoq, eqqartuussivik aalajangiisimappat, meeraq inissinneqassasoq taarsiullugu taava isumaginninnermut oqartussat pisussaapput erngertumik inissiiffissamik pilersitsissallutik ulloq unnuarlu paaqqinniffimmi isumannaakkamik immikkoortoqarfimmi inissiisoqarsin-naanissaata tungaanut. Qaqutiguinnaq pisoqartarsimavoq, eqqartuussivik meeraq inissinneqassasoq taarsiullugu ilutigalugu, aalajangersimasoq inissiinissaq pinerluttunik isumaginnitoqarfip ingerlatsiviini pissasoq ulloq unnuarlu paaqqinniffimmi isumannaakkamik immikkoortoqarfimmi inissiisoqarsinnaanissaata tungaanut. Taamannak meeqqamik innissitaasamik inissiineq naleqquutunngilaq aamma taamaallaat qaqutiguinnaq pisartuusariaqarpoq, tassami meeqqat isertitsivinnut inersimasut tigummigallakkat aamma eqqartuussat ilagalugit inissinneqartariaqanngimmata, tamanna aamma Naalagaaffiit Peqatigiit Meeqqat Pisinnaati-taaffii pillugit isumaqatigiissutaani takuneqarsinnaavoq. Taamaammat Pinerluttunik isumaginnitoqarfik isumaqarpoq, isumaginninnermi pisortat pilersaarutinik suliaqartariaqartut ajornartorsiornermi upalungaarsimasunik pisuni taamaattuni atugassanik, eqqartuussinerup kinguninnguaniinngippat, politiit isumaginninnermi pisortanut saaffiginneqqittaraluartut meeqqat inissinneqartut ulloq unnuarlu paaqqinnittarfimmi isumannaakkamik immikkoortoqarfimmi inissillugu tigummigallarneqarsinnaaneranik. Tamanna meeqqat isertitsivinni inissinneqarnissaat pinngitsoorniarlugu, eqqartuussivik aalajangeraluartoq meeraq tigummigallarneqassasoq taarsiullugu, massa tamanna piffissami sivikitsumiugaluartoq. Meeraq Pinerluttunik isumaginnitoqarfii ataanni isertitsivimmi tigummigallarneqassappat tamanna pinerit tamaasa piffissaq sivikinnerpaajusariaqarpoq aamma sunniuteqarluartumik isumaginninnermik suliaqartunik kommunit isumaginninnermi pisortaqrifianit nakkutigineqartumik pisariaqarpoq.

Akissut: Ilanngunneqarpoq. § 3, imm. 3 oqaasertaliorneqaqqippoq ima, kommunalbestyrelsit pisussaatinneqassasut pilersaarutinik ajornartorsiornermi upalungaarsimasunik suliaqarta-riaqartut.

Naggataatigut eqqaaneqassaaq, Pinerluttunik isumaginnitoqarfik peqataasariaannaammat su-liassaqarfiit arlallit akornanni atorfillit suleqatigiissitani ulloq unnuarlu paaqqinnittarfimmi isumannaakkamik immikkoortoqarfinnut nalunaarutip suliarineqarnissaa kiisalu ulloq unnuarlu paaqqinnittarfimmi isumannaakkamik immikkoortoqarfinni ilagalugu immikkut ittumik Isikkivik pissutsit pillugit oqaloqatigiinnissaq anguniarlugit.

10) Aatsitassanut Ikummatissanullu Naalakkersuisoqarfik

Aatsitassanut Ikummatissanullu Naalakkersuisoqarfik tusarniaalluni saaffiginisummut qu-javoq.

Aatsitassanut Ikummatissanullu Naalakkersuisoqarfik kisianni meeqqat ikiorserneqarnissaat pillugu inatsisisstatut siunnersuutip aappassaanik ilassutaasumik tusarniutigineqarneranut oqaaseqaatisaqaanngilaq.

11) Peqqissutsumut Naalakkersuisoqarfik

Peqqissutsumut Naalakkersuisoqarfik meeqqat ikiorserneqarnerat pillugu inatsisissatut siunnersuutip tusarniaarnermi periarfissamut qujavoq. Naalakkersuisoqarfiiup pingaartippaa meeqqat atugarissaarneranut sunniuteqarsinnaanermut periarfissaqarneq qujassutigaa.

Peqqissutsumut Naalakkersuisoqarfik inatsisissatut siunnersuummut tulliuttunik oqaaseqaa-teqarpoq.

§ 1: Oqariartaatsip "periarfissanik assingusunik angusaqarpoq..." atorneqarnera ajornartorsi-utitaqarsinnaaviq.

Akissut: Ilanngunneqanngilaq, § 1 taamaallaat siunertarisamik aalajangersagaavoq.

§§ 10, 13 imm. 3: Qanoq ililluni, inunnik paasissutissanik suliarinnitarneq pillugu inatsisini killigitat iluaniinnersoq tamanna qulakkeerneqarsimava?

Akissut: Inunnik paasissutissanik suliarinnitarneq pillugu inatsimmit, Kalaallit Nunaanni atulersinneqartoq kunngip peqqussutaa normu 1238, 14. Oktober 2016-imeersoq, takuneqarsinnaavoq § 8, imm. 3-mit, ingerlatsivinni pisortat isumaginninnermi suliassaqarfimmi sorianik suliaqartut, paasissutissanik ingerlatitseqqissinnaasut, ingerlatitseqqinnej sulinermut atatillugu imaluunniit pisariaqarpat, pisortat nakkutilliinermanni imaluunniit nakkutigininnerminni naammassineqarnissaannut.

Aalajangersakkat taaneqartut taamaamat Naalakkersuisoqarfiiup paasinninnera malillugu inunnik paasissutissanik suliarinnitarneq pillugu inatsimmi killigitinnejartunik naapertuisut isigineqarput.

12) Aalisarnermut Piniarnermullu Naalakkersuisoqarfik

Aalisarnermut Piniarnermullu Naalakkersuisoqarfik siunnersuummut oqaaseqaatissaqanngilaq.

13) Qeqqata Kommunia

Inuuusuttunut malitseqartitsinerup 23-nik ukioqalernerinut qaffanneqarnera kiisalu angerlartitsinissamut pilersaarusiornissamut piffissaqarlurnissaq, Qeqqata Kommunianit iluarismaari-neqarpoq.

§ 37-mut tunngatillugu, ilaqtariinnut paarsisartutut akuersissutinik tunniussinissamut nailersuinermi inoqutigiit annertussusaat ilanngunneqarnissaa kommunimit qinnutigineqarpoq, tassani patsisaavoq ilaqtigut qinnuteqartut inissiaaqqani imaluunniit illuni inunnut ikittuinarnut naatsorsuussani najugaqartarmata.

Akissut: Ilanngunneqanngilaq, kisianni nalunaarutissamik sulinermi ilanngunneqarumaarpoq, taanna atulersinneqassaaq aalajangersagaq manna tunngavigalugu.

Taamatullu peqqinnermut misissuinermi quup akoqassusaanik misissuisoqartassasoq, ilaqtigut angajoqqaarsiat ikiaroornartumik atuisuunertik nalunaarutigineq ajormassuk, taamaaliornik-kut meeqqat inissinneqartussat angajoqqaamisut atornerluisuusunut inissinneqannginnias-sammata.

Akissut: Ilaatigut ilanngunneqarpoq. Nutaamik § 37, imm. 7-mi normu 2-mik ilanngussiso-qarpoq ilaqtarsiatut akuersisummit tunisinissamut suliarinninnermi aanngajaarniutinut misiliinissamut maleruagassanik atulersitsinermut tunngaviliisumik. Oqaaseqaat nalunaaru-tissamik suliaqarnermut ilanngunneqarumaarpaq taanna aalajangersagaq tunngavigalugu atulersinneqassaaq.

§ 16-imut tunngatillugu, politiit nalunaaruteqarnissaminut sakkortunerusumik pisussaaf-feqartunut ilaanerinut oqaaseqaammi allassimanngilaq. Tamanna tunngavigalugu oqaaseqaammut ilanngunneqarnissa kommunimit qinnutigineqarpoq.

Akissut: Ilanngunneqanngilaq. Inatsiseqarnermut suliassaqarfik suliassaqarfiuvoq suli tiguneqanngitsoq, taamaammat Inatsisartut inatsisaanni politiit peqquneqarsinnaanngillat sukannererusumik nalunaarusiornissamut pisussaasut.

Tikeraarnermi angalanermut atatillugu, kina ingiallortimut aningaasartuutinut akiliisuussaner-soq nalunaarummi ersarissarneqassaaq.

Akissut: Meeqqani inuuusuttunilu tikeraarnermi ingiaqammut aningaasartuutit angajoqqaatut akisussaaffimmik tigummiartup kommunianit akilerneqartussaapput. Meeqqani inuuusuttunilu innarluutilinni kommuni inissiisoq tikeraarluni angalanermut aningaasartuutinut akiliisus-saavoq.

Angajoqqaarsianut inissiilernermi angerlarsimaffimmut pulaartoqartarnissa iliuusissatut pilersaarummi allassimagaluartoq, qanoq akulikitsigisumik angerlarsimaffinnut pulaartarnissaq minnerpaamik nalunaarummi allassimasariaqarluarpoq.

Akissut: Nalunaarutip ilusiani allaaserineqarumaarpaq, kommunit nakkutilliinermi pisussaaf-fianut angerlarsimaffimmut takusaaneq ilaassasoq, kiisalu tamanna qanoq akulikitsigisumik pisassanersoq.

Akuersissuteqarnermut atatillugu, § 43 kiisalu § 25 imminut atanerinut erseqqissaanissaq kissaatiginarpoq. § 43-mi angajoqqaatut oqartussaassuseqartoq akuersiteqqaarnagu meeqqamik oqaloqatiginnissinnaanermut periarfissaqarlualerpoq. Tamanna aamma § 25-mi atuuppa?

Akissut: Ilanngunneqarpoq. § 43 aamma § 25 ataqatigiinngillat aamma aallavittut § 25 ma-lillugu meeqqamik oqaloqateqartoqarsinnaanngilaq angajoqqaatut akisussaaffimmik tigum-minnittumik akuersissummit peqqaartinnani.

Tamanna erseqqissarniarlugu § 43, imm. 1 allanngortinneqarpoq, ima aalajangersakkamut taamaallaat kap. 8-9 ilaasut aamma aalajangersakkat §§ 24-25 (maanna §§ 23-24) kap. 7-imut nuunneqassasut.

§ 21 naapertorlugu angajoqqaatut oqartussaassuseqartunut suliniuteqarnermut neqerooru-teqartoqarsinnaavoq, assersuutigalugu ilaqtariinnik pikkorissaanikkut. Namminersorlutik Oqartussaniit ilaqtariinnut pikkorissaanerit suut neqeroorutigineqartarnissaat, Qeqqata Kommunianit sammineqarnissaat kissaatigineqarpoq. Tassunga ilassutigalugu, ilaqtariit "pissakinnerit" ilorraap tungaanut "ingerlariaqqinnissaannut qanoq ikiorserneqarnisaat/siunnersorneqarnissaat sammineqarnerussasoq Qeqqata Kommunianit kissaatigineqarpoq.

Akissut: Oqaaseqaat inatsisip atulersinneqarnissaanut ingerlaqqinnermi ilaatinneqassaaq.

14) Qitiusumik Siunnersuisoqarfik (QS)

Qitiusumik Siunnersuisoqarfik (QS) meeqqat ikiorserneqartarnerannut pillugu siunnersuutinut ima oqaaseqaateqarpoq;

1. § 6 imm.1 naleqq.; Oqaaseqaatini erseqqissarneqarsinnaava pilertortoq qanoq nas-suaaserneqassanersoq?

Akissut: Ilanngunneqanngilaq. "Pilertortoq" tassanngaannaq pisuuusassaaq itisilik-kamik allaaserineqarsinnaanngitsoq. Taassuma saniatigut sioqqullugu suliat, pingaarnertut pisunik allaaserisamik imallit tassunga ilaatinneqarsinnaasut. Oqaaseqaat inatsimmut ilitsersuutissat suliarineqarnerini ilaatinneqarumaarput.

2. § 7 imm. 3 naleqq.; qanoq ililluni sulisaaseq nunaqarfinnut naleqqiullugu pivi-usunngortinneqassava? Isumassarsiaasinjaavoq oqaaseqaatinut ilanngutissallugu isor-liunerusuni ajornartoorfimmi piareersimasut qulakkeerneqarnissaat, sulianik kinguar-tinneqarsinnaanngitsunik peqartillugu; s.i. innarliisoqarsimatillugu. Kinguaassiutitigut innarliineq aamma nakuuserneq.

Akissut: ilanngunneqarpoq kommunit pisussaatinneqartut suliarissallugu meeqqanut nakuuserfigineqarsimasunut imaluunniit innarlerneqarsimasunut, kiisalu meeqqanut inummut navianartumik pinerluttuliorsimasunut upalungaarsimanissamik pilersaarusiornissaq. Takuuk aamma tusarniaanermut akissut nr. 9.

3. § 9 imm. 2; kisimik allassimapput ulloq unnuarlu paaqqinnittarfiit nalinginnaasut. Sooq immikkoortinneqarsinnaanngillat namminersortut aamma namminersorlutik oqartussat ulloq unnuarlu paaqqinnittarfiit?

Akissut: Ilanngunneqanngilaq, ulloq unnuarlu meeqqan, inuusuttunik aamma inunnik innarluutilinnik paaqqinnittarfiit tamarmik nakkutigineqassammata.

4. Perorsaanermut tunngatillugu nakkutilliinermut tunngasunut oqaaseqaatit: Perorsaa-nermut tunngatillugu nakkutilliinermut nassuaatit amigaatigineqarput. nersuut: "Ulloq unnuarlu paaqqinnittarfinni nakkutilliinermi eqqaamaneqassaaq nakkutilliineq aaqqissuunneqassamat ulloq unnuarlu paaqqinnittarfimmi atuismut naleqqussakkamik, najugaqartut ataasiakkaarlutik pisariaqartitaat aamma ulloq un-nuarlu paaqqinnittarfiup illup iluani maleruagassai naapertorlugit.

Akissut: Pissutsit itisilik kamik suliarineqarumaarput nalunaarusiami aggersumi kiisa-lu ilitsersuummi ulloq unnuarlu paaqqinnittarfinnut tunngasuni, il.il.

5. § 14 imm.3: Qitiusumik Siunnersuisoqarfik kommunimit suliakkiissutip suussusaa tunngavigalugu kommuuni nalinginnaasunik unnersuussinnaavaa.

Akissut: Ilanngunneqanngilaq

6. § 16 imm.1: Aalajangersakkami taaguinerni ullukkut paaqqinnittarfiit ilanngunneqas-sagaluarput.

Akissut: Ilanngunneqarpoq.

7. § 19 imm.3; siunnersuutigaarput ”ullut pingasut” peerneqassasoq aamma ”akunnerit 24-it sioqqullugu” ilanngunneqassasoq. Kusanartumik takusassiinerunngilaq ullut pingasut angullugit susoqannginnissaq akuerineqarpat, aammalu qanorluunniit piaartoq allassimagaluarpat eqqarsarnarpoq § 29-mi piumasarineqarmat akunnernik 24-it aamma nalunaartoqarnerata kingorna qajassuarnerusunik iliornissamik piumasaqarneq.

Akissut: Ilanngunneqanngilaq. Kommunalbestyrelse aallaqqaammut piaartumik iliuuseqartassaaq aamma piviusunik ikorsiinermik aallarnisaasassaaq kingusinnerpaamik ullut pingasut kingorna. Taamaattumik kommuni pisussaatitaavoq upalungaarsimanissamik pilersaarummik suliaqassalluni, taamaasilluni meeraq piaartumik ikiorserneqarnissaminik pissalluni, kisianni kommunip suli ullut pingasut aallarnisarsinnaavaa utaqqiisaasumik ikorsiinissamik aalajangiinissaq.

8. § 21 imm. 4 nr.1; ataqatigiaartumik ataatsimiinnerit ilanngunneqassapput ilaqtariit isumaqatigiittartuisa isumasioqatigeereernerisa kingorna.

Naalakkersuisoqarfik aningaasaliivoq ataqatigiaartumik ataatsimiinneq atussallugu aamma ataqatigiaartumik ataatsimiinnerit nuna tamakkerlugu periutsitut aallarnisaannermut, taamaattumik kissaatiginarpoq taassallugu ataqatigiaartumik ataatsimiinnerit periarfissaasut. Ataqatigiaartumik ataatsimiinermik periutsimik atuineq iluaqtis-sartaqarpoq aamma periuseq atorluarneqarsinnaavoq pinaveersaartitsinermi aamma sisusissumik meeqqamut attuumassutilimmik sulinermut, taamaasilluni piffissaq siusisoq meeqqamik autismeqartumik, ADHD-umut, inuutsiminut piuminaatsumut, nakuuserfigitissimasumut imaluunniit kinguaassiutitigut atornerlunneqarsimasumut ikiuutaasinnaalluni. Ikorsiinermik pilersitsinermi ataqatigiaartumik ataatsimiinnerit periarfissaanerat taanngitsoornissaq ajornarpoq.

Akissut: Ilanngunneqarpoq.

9. § 21 imm.4 nr.3; Efterskolemiinneq. § 30 imm. 2 nr. 4. Inuuusuttunik immikkut isumassorneqarnermik imaluunniit perorsaanermi killigititanik pisariaqartitsisinnaasunut angerlarsimaffik qimallugu efterskolerneq naleqqutinngilaq. Unnersuussissutigineqarpoq oqaaseqaatinut ilanngunneqassasoq, meeraq imaluunniit inuuusuttoq efterskolernissaminut nukittulluassasoq. Taamak qaqtiguinnaq pisoqassappat, efterskole meeqqamik immikkut pisariaqartitsisumik tigusisinnaanerminik akuerisaasimanersoq qulakkeerneqassaaq.

Allaavoq inuuusuttut sullinnejareersimasut suliniuteqarnermik malinnaavigineqartut ikaarsaarniartussanngoraangata, imaluunniit efterskolernerminni angajoqqaarsiaqarnerannik suliniuteqarneq aamma efterskolemut inissiigallarnerunngitsoq.

Akissut: Ilanngunneqanngilaq, erseqqissumik takusassaareermat aalajangersakkamut oqaaseqaatini.

10. § 24 naleqq.: Nalinginnaasumik angajoqqaat akisussaaffiat: Unnersuussutigineqarpoq ilanngunneqassasoq: ”Angajoqqaanik oqaloqatiginninnermi suleqatigiilluarnissamik ileqkoq atorneqassaaq, aalajangiissutip atuutsilerneranit inernissaq qitiutillugu inissi-simanermik.

Akissut: Ilanngunneqanngilaq, oqaaseqaatsini ilaareersutut takusassaammat.

11. § 25 naleqq. Eqqumaffigeqquneqarpoq meeqqat ataasiakkaat assigiinngitsunik pissusilersorsinnaanerat isumassugassamik sumiginagaasimanerisa annertussusaanik tunuliaqtallit. Taamaattumik sullisisup meeqqamik naapitsilernermini piareersimasas-saaq.

Meeqqat ukiuinut 12-iniit aamma 17-it angullugit aalajangiussaq peerneqassaaq, meeqqanik 12-it inorlugit ukiulinnik ilanngussinngimmat. QS-ip nalunaarsorsimavaa meeqqat 12-it inorlugit ukiullit iluaqutigisinnaagaat aamma oqaloqatiginninnerit perorsaataasinnaasut (ikuallaanerit, meeqqat meeraqatiminnt eqqunngitsuliortut il.il.). Ukiunik killigititat peerneqarpata kingunerissavaatbaar meeqqamut eqqarsaatiginnineq aamma meeqqap kinaassusaanut ataaqqinninneq, pissutigalugu 10-niit 11-it angullugit ukiullit timimikkut perungassusaat, s.i. inuuniarneq aamma nammineersin-naaneq ilinniarsimallugu, aamma 17-inik ukiullit tarnimikkut nukangasinnaapput s.i. 8-niit 12-it angullugit ukiulittut.

Akissut: Ilanngunneqanngilaq, meeqqamik 12-iniit 17-it angullugit ukiullip inuuusut-tunngoriartornermi ikaarsaarnermini pissusissamisoortumik ineriarornera oqaloqatiginninnermi aallaaviussammat.

12. § 25 naleqq.: Unnersuussutigineqarpoq angajoqqaatut akisussaassusermik tigummialik allatami ilanngunneqassasoq, paatsoorneqarsinnaammat. Meeraq angajoqqaq avaqquullugu aggersarneqarsinnaanngimmat.

Akissut: Ilanngunneqarpoq aajalangersakkap (maanna § 24) kapitalimut 7-imut nuunneratigut aamma § 43, imm. 1. allannguutip kapitalini 8-miit 9-mut kisimik attuumas-suteqalerlutik.

13. § 30 imm.3 naleqq.: Unnersuussutigineqarpoq pingasunik ukiulimmut qatanngutaasut passuttariaqanngippata oqaaseqaatinut ilanngunneqassasut, qatanngutigiit inissiinerni tamani avissaartinnginnissaat isumagalugu.

Akissut: Oqaaseqaatini ilanngunneqarpoq.

14. § 31, imm. 2 malillugu Kalaallit Nunaata avataanut inissiineq.

Kommunip inuuusuttumik efterskolemut s.i. Qallunaat nunaannut inissiissappat aamma pisariaqvissumik inissiissappat, efterskolemut piumasaqaataaasaq efterskolep inissiisarfittut pisortatigoortumik akuerineqarsimanissa. Qularnarpoq taamak ittunik peqarnissaa.

Akissut: Malittarisassani pingarneruvoq inissiineq Kalaallit Nunaanni pissasoq aamma § 31, imm. 2 tamatumunnga ilaanngilaq. Kalaallit Nunaata avataanut inissiineq pisinnaavoq piumasaqaatit pingasut anguneqarsinnaappata. Meeqqap Kalaallit

Nunaanni pisariaqartitani angusinnaanngippagit, Kalaallit Nunaanni inissiisarfimmik tulluartumik peqanngippat kiisalu Naalakkersuisuniit akuersissummit pinikkut.

Piumasaqaatit pingasut anguneqarpata communalbestyrelsip aalajangersinnaavaa Kalaallit Nunaata avataanut inissiinissaq, tassaasinnaasoq efterskole, § 30, imm. 2, nr. 4-mut naleqq..

Kommunalbestyrelsilli qulakkiissavaa efterskolep toqqarneqartup naleqquttuunissa aamma atuisumik tigusisinnaanerminik akuerineqarsimanissa, kiisalu pisussamut pilersaarusiamik tassunga tunngasumik sananissa.

Aalajangersagaq aporfiumngilaq meeraq inissitaq inatsit malillugu pisinnaatitaaffini atorlugu Kalaallit Nunaata avataani efterskolernissaminut qinnuteqarneq.

Qallunaat nunaanni efterskolerluni atuartunut tapiissutinut malittarisassat tamatigut atuuuttut, inunnut annertuumik innarluutilinnut imaluunniit meeqyanik iniuusuttunillu angerlarsimaffiup avataanut inissitanut ikuinermut malittarisassat tamatigut atuupput, tapiisoqarsinnaavoq taamaallaat efterskolertunut inunnik ikuinermik pisortaqarfimmit akuerineqarsimappat.

Meeraq sullinneqarnissaminik imaluunniit immikkut perorsaanermik pisariaqartitsippat, communalbestyrelsip akuerissavaa aamma efterskolep atuisunut naleqquttuunera qulakeerlugu, kiisalu pisussamut pilersaarusiamik tassunga tunngasumik sananissa.

15. § 36, ilanngunneqarnissaa kissaatigineqarpoq, immikkut aalajangersakkamik imaluunniit assingusumik, kommune pisariaqartitsippat meeqqamik 12-it inorlugit ukiulimmut isumannaakkamik immikkoortortaqarfimmut inissiinissamik. QS-ip nalunaarsor simavaa meeraq massakkut Qallunaat nunaannut inissinneqartussaq, kisianni anneruumik sullinneqarnissaminik pisariaqartitsisoq.

Akissut: Ilanngunneqanngilaq, immikkut isumannaakkamik ulloq unnuarlu paaqqinnittarfimmik imaluunniit iniuusuttumut isumannaakkamik inissamik pilersitsineq annertuumik akuliunnerummat. Meeraq paaqqinnittarfimmut isertinneqarpoq, tassani matut igalaallu pinerit tamaasa parnaaqgasarput. Taamaalliluni meeraq nammineersinnaajunnaarsinneqavilluni aamma paaqqinnittarfimmit qimagunnissaminik periarfissaarulluni. Isumannaakkamik ulloq unnuarlu paaqqinnittarfimmut inissiineq taamaalliluni meeqqap nammineersinnaassusaanut annertuumik iliornervuq.

Tamanna tunngavigalugu kissaatigineqanngilaq ukiunut killiliussaq annerusumik appartinneqarnissaa.

16. § 38 naleqq.: Unnersuussutigineqarpoq, ilaqtarsiat qanoq amerlatigisunik meerarsi-aqtarnissaasa killissaannik/qulaakkutissaannik aalajangiisoqarnissaa. QS-i isumaqarpoq meerarsiat 6-it ilaqtarsiamut ataatsimut amerlavallaartut. Soorunami qatanngutigiit eqqarsaatigineqassapput.

Akissut: Nalunaarutip ilusaanut ilanngunneqarpoq.

17. § 43 naleqq.: QS-ip unnersuussutigaa aalajangersakkap § 25-imut nuutsinneqarnissaa, perorsaanermut peqquteqartillugu. Taamaattorli sullissinermut inatsisip najoqqutas-sartaa malinneqassaaq.

Akissut: Ilanngunneqanngilaq, peqqutaalluni assigiinngitsut marluk pineqarnerat. § 25-i perorsaanermut sakkuuvoq, § 43-li piumasaqaataalluni sullissinermut maleruagaasaq.

18. § 45 imm. 1 naleqq.: QS-i isumaqarpoq aalajangersakkani immikkut ittumik sanasoqassasoq, angajoqqaatut akisussaasut misissuinissamik suleqatigiinnissamik akuersinngippata. Piumasarineqarpoq aalajangersagaq § 6, imm. 3, angajoqqaat akisussaasut misissuinermut atsiorlutik akuersisimanngitsut aamma inuusuttut 15-nik ukioqaleersimasut ataannarnissaa.

Akissut: Ilanngunneqanngilaq, inatsisit allatorsimaneranni periarfissaareermat isumaginninnermi suliaqarnermut misissuineq angajoqqaanit akuersissummik atsiornermik peqarani. Oqaaseqaatinini itisilerneqareepoq.

19. § 46, imm. 5 – 6 naleqq.. QS-ip kissaatigaa ”Meeraq imaluunniit inuusuttoq 18-it inorlugit ukiulik ulloq unnuarlu paaqqinnittarfimmi tiguneqarpat, paaqqinnittarfiup kommune peqatigalugu, sapinngisarlu tamaat tunngavigalugu angajoqqaat akisussaaffimik tigummiartut peqatigalugit pisussamut pilersaarummik inaaruutaasumik sananisaq...” Meeqyanut inuusuttunullu kiisalu annertuumik innarluutilinnut ulloq unnuarlu paaqqinniffiit pillugit Namminersornerullutik Oqartussat nalunaarutaat nr. 64, 29. dec. 1994-imeersoq, soorunami oqaaseqatigii naleqqussarneqassapput.

Akissut: Ilanngunneqanngilaq. Aalajangersakkat paaqqinnittarfinnut aamma ilaqtarsianut attuumassuteqarput, taamaalilluni allannguutissatut siunnersuut kisimi ulloq unnuarlu paaqqinnittarfimmut tunngalerluni.

20. § 49 naleqq.: QS-ip unnersuussutigaa kommunit pisussaasunngortillugit qanoq issutsimik nalunaarusianik tigusinermi uppernarsaammik nassitsisarnissaannik aalajangersakanik sanasoqassasoq. QS-i isumaqarpoq qanoq issutsimik nalunaarusiaq atortuusoq pingaarutilik pisussanik pilersaarusanik nalilersuineq allanngortinneqassappat kiisalu assinganik angajoqqaat akisussaasut suleqatiginerini meeraq tunngavigalugu allannguisoqassappat.

Akissut: Ilanngunneqanngilaq kisiannili nalunaarusiassani ilanngunneqassaaq.

21. § 50 naleqq. 23-ip naleqq. kingorna ilanngunneqassasoq § 25 meeqqamik oqaloqatiginninnermik aalajangerneq.

Akissut: Ilanngunneqanngilaq. Inatsisip § 25-a kapitali 7-imut nuunneqarpoq aamma § 43, imm. 1 allanngortinneqarpoq, taamaasilluni nalornissutaarullugit angajoqqaamik akisussaaffimmik tigumminnittoq akuersissummik atsiorsimanissaanik takussutissaqalerluni.

22. § 51. Oqaaseqaatinut ilanngunneqarnissaa kissaatigineqarpoq, kommunit qulakkiisaagaat inuit peqatigiiffiup iluaniittut meeqqanik sullissinermi uppernarsaat piumasaqaataasoq sulisut tamarmik pigissagaat, soorlu meeqqanik suliaqartut tamarmik allat

taamaattut. Kiisalu kommunit peqatigiiffiit suliaannik nakkutilliissasut, s.i meeqqanut aaqqissuussisoqartillugu.

Akissut: Ilanngunneqanngilaq, meeqqanik sullissinermi upernarsaatnik atuineq Meeqqanik pinerliisimannginnermut upernarsaatnik piumasaqaateqartussaatitaaneq pillugu Inatsisartut inatsisaat nr. 8, 19. maj 2010-meersumit malittarisaliun-neqareermat, Meeqqanik pinerliisimannginnermut upernarsaatnik piumasaqaa-teqartussaatitaaneq pillugu Inatsisartut inatsisaata allanngortinnera pillugu Inatsisartut inatsisaat nr. 7, 3. juni 2015-imeersumit allanngortinneqartumit.

23. Taaguutit:

Personlig rådgiver: Inummut siunnersorti (Oqaasileriffimmit 2014-imi akuerineqartoq) Inatsisatut siunnersummi maani pisariaaruppasippoq.

Aflastningsophold: Oqilisaallutik paarsisut

Børnebisidder: Meeqqamut illersuisoq

Efterværn – Suliniuteqarnerup malinnaavginera (**efterværn** pillugu kalaallisut taaguutaa suli oqallisigineqarpoq, suli inissivinngilaq, kissaatiginngilarput 2011-mit Oqaasileriffiup siunnersuutaa atussallugu **Ikiueqqissinnaannermut upalungaarsimaneq**, isumaqartoqarmat allaruinnarmik isumaqartoq) QS-ip siunnersuutigerusuppa **Inuusuttunut 18-niit 23-nut ikiulin-nut kaammattuivik** (nammineq pitsasumik isumaqartoq aamma qimmaassaarpalututut ni-peqartoq)

Professionel familiepleje – Ilaqutariit immikkut piumasaqaatitalimmik paarsaqartartut (Oqaasileriffimmit 2014-imi akuerineqartoq)

15) Isumaginninnermi Naammagittaalliuteqartarfik

Isumaginninnermi Naammagittaalliuteqartarfipiup allattoqarfia oqaaseqaatit siullermik tusarniaanermi nassiuinneqartut saniatigut, siunnersummut makkuninnga oqaaseqaatissaqarpoq.

Ataatsimut isigalugu:

Isumaginninnermi Naammagittaalliuteqartarfipiup allattoqarfia isumaqarpoq, piffissami 2016-imi maajip 26-aniit juunip 30-anut siunnersuutip siullermik tusarniaassutigineqarneranut sanilliullugu, siunnersuut tamakkiisuulluni pitsaanerulersimasoq.

Nassuaatini aalajangersimasuni taaguusersuutit inatsisissatut siunnersummi allassimasut assingi atorneqarsimanngillat, assersuutigalugu qupperneq 62-imi § 30-imut tunngasumi, tassani allassimalluni ”pinngitsaaliissummik inissiineq”. Inassutigineqarpoq taaguusersuutit inatsisissatut siunnersummi atorneqartut aamma nassuaatini atorneqassasut.

Akissut: Ilanngunneqarpoq, pinngitsaaliissummik inissiineq taarserneqarpoq imaalerlugu ”akuersititseqqaarnani inissiineq”.

Siunnersuutigineqarpoq kapitalini 2-imi, 8-imi aamma 10-imi qulequtaq "aalajangiinissamut pisinnaatitaaffik" allanngortinneqassasoq imaluunniit peerneqassasoq, tassami aalajangersakkat aalajangiinissamut pisinnaatitaanermut tunngassuteqarmata.

Akissut: Ilanngunneqanngilaq. Suliassanik suliarinnittartut pitsaanerusumik paasisimaarinninnissaannut, qulequttap ataani qulequtanik atuisoqarpat paasiuminarnerusutut isigineqarpoq. Tamatuma pisinnaanissaanut, inatsisissatut siunnersuutip aaqqissugaanerata Inatsisilioriaatsimut malittarisassanut Namminersorlutik Oqartussanut atuuttunut naapertuunnissaanut, aalajangersakkanut taaneqartunut qulequtaliinissaq pisariaqarpoq.

Aalajangersakkat inatsisini tunngaviusussanut aalajangersagaapput, kommunalbestyrelsit aalajangiinissaannut tunngavissaliillutik, taamaattumik oqaaseq aalajangiinissamut pisinnaatitaaffik, taaguutitut paasinartutut isigineqarpoq.

Innuttaasut inatsisip atuutilernissaa sioqqullugu, assersuutigalugu tapersiinermi iliuusissanik qinnuteqarsimappata, aammalu aalajangiineq aatsaat inatsisip atuutilereernerani pisimappat, pisut taamaattut qanoq suliarineqassanersut aammalu taamaaqataanik inatsisip atuutilernissaa sioqqullugu aalajangiinerup naammagittaallitigineqarnera, inatsisip atuutilereernerata kingorna suliarineqassappat, inatsisissatut siunnersuummi isummerfigineqassasoq, Isumaginninnermi Naammagittaalliteqartarfiup allattoqarfiata Naalakkersuisoqarfik qinnuigissavaa.

Akissut: Ilanngunneqanngilaq. Suliat ingerlasut suliarineqarnerannut tunngatillugu inatsisip atuutilerfissa saneqqunneqarsinnaanngitsutut isigineqarpoq. Tamatuma kingunerisaanik suliat aatsaat inatsisip atuutilereernerani aalajangiiffigineqartussat, inatsit manna naapertorlugu aalajangiiffigineqassapput, pissusissamisoortumik allaanerussutaasut atuutsinneqassallutik.

§ 3, imm. 3 pillugu:

Meeqanut inuuusuttunullu politikkimik suliaqarnissamut pisussaaffeqarnermik atuutsitsilernissaq kiisalu pitsaliuinermut upalungaarsimanissaq, siusissukkut paasiniaasarnissaq aammalu meeqanik sumiginnaaneq pillugu suliassat suliarineqartarnissaat, neriulluarnartutut isigineqarput. Taamaattoq upalungaarsimaneq qanoq paasisariaqarnersoq aammalu upalungaarsimanermut taamaattumut piumasaqaatit suut naammassineqartussaanersut, nassuaatini erseqqissarneqartariaqaraluarpooq.

Akissut: Ilanngunneqanngilaq. Pissusiviusut eqqarsaatigalugit upalungaarsimanerup qanoq ilusilersorneqarnissaanut kommunalbestyrelsit annertuumik aalajangersakkami naliliisussaatinneqarput. Taamaattoq Naalakkersuisut nakkutilliinissamut pisussaaffeqarput, ilaatigut kommunip aalajangersagaq manna naapertorlugu upalungaarsimanerata inatsimmi piumasaqaataasunut naapertuunnerata qulakkeerneqarnissaa tassani ilaalluni.

§ 4 pillugu:

Isumaginninnermi Naammagittaalliteqartarfiup allattoqarfiata aammaloorluni equmaffigeqqussavaa, inatsisip oqaasertaani allassimasariaqaraluartoq, inatsit meeqanut Kalaallit Nunaanniittunut tamanut atuuttoq

"(...) inunnut innarluutilinnut tapersiisarneq pillugu inatsit malillugu tapersiivigineqartut." allanngortinneqassasoq siunnersuutigineqarput imatut "(...) taakkua inunnut annertuumik

innarluutilinnut tapersiisarneq pillugu inatsisit malillugit tapersiivigineqarnerat apeqqutaatinnagu”.

Akissut: Ilanngunneqarpoq.

Taamatuttaaq tamanna nassuaatini iluarsineqartariaqarpoq.

§ 4 imm. 2-mut tunngatillugu nassuaatini itisilerneqarsinnaavoq, meeraq Kalaallit Nunaata avataanut inissinneqarpat, nunap pineqartup inatsisai atutissasut, ilanngullugu Kalaallit Nunaanni inatsisinut ataqtiginnerat.

Akissut: Ilanngunneqarpoq.

§ 5 pillugu:

Aalajangersagaq tunngavilersorneqanngilaq. Siunertaasoq Isumaginninnermut, Ilaqutariinnut, Naligiissitaanermut Inatsisinillu Atuutsitsinermut Naalakkersuisoqarfipus tusarniaanermut akissuteqaatinut allakkiaani allassimagaluartoq, aalajangersagaq qanoq siunertaqarnersoq ersarinngilaq.

Akissut: Ilanngunneqanngilaq.

§ 7 pillugu:

Isumaginninnermi Naammagittaalliuteqartarfiup allattoqarfiaa aammaloorluni oqaatigerusuppa, aalajangersagaq nassuaatillu imminnut naapertuitinngitsut (quppernerit 22-24). Nassuaatit oqaasertalerneqarneranni, siunnersuummi takuneqarsinnaasunit, taakkua atuuffissaat annertuneruvoq.

Akissut: Ilanngunneqarpoq. Imm. 1-imut nassuaatit ilai nassuaatinut nalinginnaasunut nuunneqarput.

Inatsisisatut siunnersuummi eqqartuussisaaseq pillugu inatsimmi § 597, imm. 3-imut innersuussut ilanngunneqartariaqarluarpoq, takuuk § 632. imm. 2, tusarniaanermut akissuteqaatinut allakkiami allassimasutut.

Akissut: Ilanngunneqanngilaq, tassami taanna nassuaatini erseqqissumik allassimavoq aammalu Kalaallit Nunaannut eqqartuussisaaseq pillugu inatsit qanoq pisoqarluarpalluunniit atuuttussaavoq.

§ 8 imm. 3 pillugu:

Nassuaatini allassimavoq (qupperneq 27):”tunngavissat tassaasinnaapput ilaqtariit paarsisartut pillarneqaataasinnaasunik iliuuseqartarsorineqarpata, soorlu persuttaanermik kinguaassiuutitigullunniit atornerluinerni.” Tamanna inissiiviusup allanngortinneqarnissaanut tunngavissaasinnaasoq isumaqartoqarpoq, taamaattumillu immikkoortoq erseqqisarneqartariaqarluarpoq.

Tamatuma saniatigut siunnersuummi § 19 imm. 4 naapertorlugu taamatut pisoqarnera politiinut nalunaarutigineqassasoq, nassuaatini erseqqissarneqarpat naapertuussorineqarpoq.

Akissut: Ilaa ilanngunneqarpoq, assersuut peerneqarpoq, tassami taanna eqquunngitsutut isigineqartariaqarmat aammalu nakkutilliineq sukannernerulersiinnarneqarani, inissiiviusup allanngortinneqarneranik kinguneqartussaalluni.

§ 11. imm. 3 pillugu:

Nassuaatini allassimavoq (qupperneq 31): Tassaasinnaapput sulisut pillarneqaataasinnasunik iliuuseqartarsimanerik pasitsaassinerit, soorlu tilliffiginninnerit, persuttaanerit imaluunniit kinguaassiuutaasigut atornerluinerit (...)” Takukkit Isumaginninnermi Naammagittaalliuteqartarfiup allattoqarfiata § 8 imm. 3 pillugu oqaaseqaatai.

Akissut: Ilanngunneqarpoq, assersuut naleqqussarneqarpoq.

§ 14, imm. 1. nr. 5 pillugu:

Kapitali 9 kapitali 11-nngorlugu allanngortinneqassaaq

Akissut: Ilanngunneqarpoq.

§ 17, imm. 4 pillugu:

Aalajangersakkami allassimavoq: § 17 imm. 1-3- taamaaqataanik kommunimut nunani allamiittumut tunngatillugu atuutissapput. Nunat allat kommunit atoraat qularnarpoq, taamaattumik siunnersutigineqarpoq tamatumunnga taarsiullugu ”oqartussaasoq taamaaqataa alla” atorneqassasoq.

Akissut: Ilanngunneqarpoq. ”Imaluunniit oqartussaasoq taamaaqataa alla” ilanngunneqarpoq.

§ 18. imm. 2 pillugu:

Aalajangersagaq allanngortinneqartariaqaraluarpoq, imaalerlugu; Naalakkersuisut maleruagassanik erseqqinnerusunik aalajangersaassasut.

Akissut: Ilanngunneqanngilaq.

§ 21 pillugu:

Siunnersutigineqarpoq § 21-imu allanneqassasoq, immaqa § 21 imm. 2-imu, iliuusissanut pilersaarummik suliaqartoqassasoq, § 23 imm. 2-imu, § 27 imm. 2-imu aamma § 28 imm. 3- imu aalajangersakkani taamaaqataa allassimammat. Maannakkorpiaq § 46-imu taamaallaat allassimammat, taamaattumik § 21 malillugu tapersiissutinik aallartitsinermi tamatuma puiorneqarsinnaanera aarlerinaateqarpoq

Akissut: Ilanngunneqarpoq, taamaalilluni § 45 malillugu isumaginninnikkut misissuinissaq pillugu aammalu § 46 naapertorlugu iliuusissanut pilersaarummik suliaqarnissaq piumasagaatigineqarlutik.

§ 23 imm. 3 pillugu:

Siunnersutigineqarpoq meeqqap tusarniarneqarnissaa saneqqunneqarsinnaanngitsoq pillugu piumasagaat aalajangersakkami erseqqissumik allassimassasoq. Tamumani meeqqap tusarniarneqarnissamik pisinnaatitaaffeqarnerata malinneqarnissaa qulakkeerniarneqarpoq. Maluginiarneqarpoq tamanna § 43 imm. 1-imu erseqqissumik allassimasoq, kisianni siunnersutip pisariusuunera annertussusaalu eqqarsaatigalugit siunnersutigineqarpoq tamanna aalajangersakkani attuumassuteqartuni ataasiakkaani allassimassasoq.

Akissut: Ilanngunneqanngilaq. Aalajangersagaq nukinginnartunut aalajangersagaavoq, meeqqap sukkasuumik qimagutsinnissaanut periarfissiisoq. Meeqqap nukinginnartumik qimagutsinneqarneranut ingiaqatigitillugu, kommunalbestyrelsi imm. 2 malillugu suliami alloriaqqinnissamut pisussaaffeqarpoq, ilanngullugu meeqqap tusarniarnissaa il.il.

§ 24 pillugu:

Angajoqqaat peqquneqartarnissaat aammalu meeqqat peqquneqartarnissaat pillugu aalajangersakkat inatsisisstatu siunnersummi nutaami allassimanngippata aammalu allanngortinnejarpata, Isumaginninnermi Naammagittaalliuteqartarfiup allattoqarfiata naleqquttuusoraa.

Kisiannili Isumaginninnermi Naammagittaalliuteqartarfiup allattoqarfia isumaqarpoq maannakkut siunnersuutaasumi aalajangersakkat taamaassoriinnarneqarnissaat aarlerinaateqartorujussusoq. Qupperneq 10-imu siunnersummut nassuaatini nalinginnaasuni allassimammat allaffissornikkut imaluunniit aningaasaqarnikkut nutaanik sunniuteqassanngitsoq naliliisoqartoq, tassami oqaloqatigiinnerit pisuni taaneqartuni ingerlanneqartareermata, tassani pineqarpoq. Taamaaliornikkut aalajangersakkat siunertaasut malillugit atorneqannginnissaat aarlerinaateqarpoq. Suliassaqarfiup siunnersuutillu pisariusuunerat eqqarsaatigalugu siunnersuutigineqarpoq aalajangersakkat peerneqassasut.

Aalajangersakkat atuutiinnarneqassappata, siunnersuutigineqarpoq §§ 24 aamma 25 kapitali 6-imut imaluunniit kapitali 7-imut nuunneqassasut.

Akissut: Ilaa ilanngunneqarpoq, aalajangersakkat kapitali 7-imut nuunneqarpoq, takuuk matuma siuliani allassimasut.

§ 27 imm. 3 pillugu:

Siunnersuutigineqarpoq meeraq tusarniarneqassasoq pillugu aalajangersagaq saneqqunneqarsinnaanngitsoq, aalajangersakkami erseqqissumik allassimassasoq. Tamatumani meeqqap tusarniarneqarnissamut pisinnaatitaaffeqarnerata malinneqarnissaa qulakkeerniarlugu. Maluginiarneqarpoq tamanna § 43 imm. 1-imu erseqqissumik allassimasoq, kisianni siunnersuutip pisariussusaa annertussusaalu eqqarsaatigalugit, tamanna aalajangersakkani attuumassuteqartuni ataasiakkaani allassimassasoq siunnersuutigineqarpoq.

Akissut: Ilanngunneqanngilaq. Aalajangersagaq nukinginnartunut aalajangersagaavoq, meeqqap sukkasuumik qimagutsinnissaanut periarfissiisoq. Meeqqap nukinginnartumik qimagutsinneqarneranut ingiaqatigitillugu, kommunalbestyrelsi imm. 2 malillugu suliami alloriaqqinnissamut pisussaaffeqarpoq, ilanngullugu meeqqap tusarniarnissaa il.il.

Nassuaatini arlaleriarluni assersuutigalugu pinngitsaaliineq assigisaaluunniit allassimavooq. Siunnersuutigineqarpoq tamanna paatsuugatitsisoqannginnissaa eqqarsaatigalugu allanngortinnejassasoq imaalerlugu akuersinertaqanngitsumik inissiineq.

Akissut: Ilanngunneqanngilaq, aalajangersakkamut nassuaat oqaatsinik "pinngitsaaliineq assigisaaluunniit" imaqqanngilaq

§ 28 imm.4 pillugu:

Siunnersuutigineqarpoq meeraq tusarniarneqassasoq pillugu aalajangersagaq saneqqunneqarsinnaanngitsoq, aalajangersakkami erseqqissumik allassimassasoq.

Tamatumani meeqqap tusarniarneqarnissamut pisinnaatitaaffeqarnerata malinneqarnissaa qulakkeerniarlugu. Maluginiarneqarpoq tamanna § 43 imm. 1-imí erseqqissumik allassimasoq, kisianni siunnersuutip pisariussusaa annertussusaalu eqqarsaatigalugit, tamanna aalajangersakkani attuumassuteqartuni ataasiakkaani allassimassasoq siunnersuutigineqarpoq.

Akissut: Ilanngunneqanngilaq. Aalajangersagaq nukinginnartunut aalajangersagaavoq, meeqqap sukkasuumik qimagutsinnissaanut periarfissiisoq. Meeqqap nukinginnartumik qimagutsinnejnarneranut ingiaqatigitillugu, kommunalbestyrelsi imm. 3 malillugu suliami alloriaqqinnissamut pisussaaffeqarpoq, ilanngullugu meeqqap tusarniarnissaa il.il.

§ 30 imm. 5 pillugu:

Siunnersuutigineqarpoq aalajangersagaq allanngortinnejnassasoq uunga "-saassapput", tassami pingaartumik meeqqap inatsisitigut illersugaanera eqqarsaatigalugu, suliassaqarfimmi erseqqinnerusunik maleruagassaqarnissaq killissalersuisimanissarlu pingaaruteqartorujussummata.

Akissut: Ilanngunneqanngilaq, taamaattoq nalunaarut suliarineqarpoq.

§ 37 imm. 3 pillugu:

Aalajangersagaq allatut oqaasertalerneqartariaqaraluaroq, , taanna meeqqamut ajoqtaasussamik pisoqartillugu, meeqqap angerlartinnejnarneranut imaluunniit nuutinnejnarneranut taamaallaat atorneqarsinnaanersoq imaluunniit aamma meeraq ilaqtariinni "taamaallaat" inissinneqannarpat ajunnginnerussappat atutissanersoq, taamaalilluni ersarissumik allassimassalluni.

Akissut: Ilanngunneqanngilaq, tassami pisoq aalajangersakkamut nassuiaammi itisiliisumik nassuiarneqarpoq.

Maannakkut oqaasertaliineq angajoqqaatut oqartussaasuuusup/-sut pisinnaatitaaffiinut naapertuitinngitsoq naatsorsuutigineqartariaqarpoq.

Akissut: Ilanngunneqarpoq, oqaaseq "angajoqqaaviusut" taarserneqarpoq "angajoqqaatut oqartussaassuseqartoq".

§ 37 imm. 7 pillugu:

"-sinnaavoq" allanngortinnejnqartariaqarpoq uunga "-ssaaq", tassami suliassaqarfik taanna pingaaruteqartorujussuovoq

Akissut: Ilanngunneqanngilaq, taamaattoq nalunaarut suliarineqarpoq.

§ 39 imm. 1 pillugu:

"Pisortanit tapiissutit" (imaattariaqaraluartoq "pisortaniit") qanoq paasisariaqarnersoq erseqqissarnejnqartariaqaraluaroq.

Akissut: Ilanngunneqarpoq, "pisortanit tapiissutit" taarserneqarpoq "aninggaasarsiat".

§ 39 imm. 4 pillugu:

§ 8 imm. 1 malillugu nakkutilliineq aamma akuersissumik peqarani nammineq aaqqissuussamik ilaqtariinni inissiinermut atuutsinneqartariaqarpoq.

Nassuaatit inummut tunngatillugu nakkutilliinermut tunngassuteqarput. Tamanna paatsuugatitsivoq

Akissut: Ilanngunneqanngilaq, pissutsit § 8, imm. 1-imut aamma § 39, imm. 4-imut nassuaatini nassuaqqissaarneqarput.

§ 45 imm. 5 pillugu:

”(...) ilanngullugu inunnut innarluutilinnut ikorsiisarneq pillugu inatsit malillugu (...)” siunnersuutigineqarpoq allanngortinneqassasoq ”ilanngullugu inunnut annertuumik innarluutilinnut ikorsiisarneq pillugu inatsit malillugu

Akissut: Ilanngunneqarpoq.

§ 55 imm. 1 pillugu:

§ 3 allanngortinneqassaaq § 30-inngorlugu.

Akissut: Ilanngunneqarpoq.

16) Kommuneqarfik Sermersooq

§ 7 Naammassinninneq

Kommunalbestyrelsi qanoq kinaassutsimut uppermarsaalluni innuttaasup angerlarsimaffianut isertussanngortissinnaanersoq taamaalillunilu angerlarsimaffiup innarlerneqartussaannginneranik saneqqutsisinnanaera, suli ersarinngilaq. Tamatuma saniatigut inatsimmi tunngavissaq pisuni qanoq ittuni atorneqarsinnaanersoq nassuiarneqartariaqarpoq, taamaalilluni communalbestyrelsi sukkulluunniit innuttaasup angerlarsimaffianut isertussanngortissinnaassanani.

Aammattaaq nassuaatini taaneqarpoq, sulisut isumannaatsuneraat eqqarsaatigineqartariaqartoq. Kisianni ersarissarmeqartariaqarpoq communalbestyrelsi isumannaallisaanikkut iliuuseqarfiumngitsumik meeqqamik akuersinertaqanngitsumik angerlarsimaffimmiit arsaarinnilluni, imminut navianartorsiortissanngitsoq naatsorsuutigineqarpoq. Innuttaasup angerlarsimaffiani sukangasaartumik pissusilernissaq ilimanaateqarnerpaajuvoq, taamatullu angerlarsimaffimmi sakkunik peqarsinnaalluni.

Inatsimmi tunngavissaq inissiinerup innuttaasup pinngitsoorusutaata piviusunngortinneqarnissaanut tunngatillugu pilersitsiviulluartuuvoq. Tamatuma saniatigut innuttaasoq suleqataajumanngippat, isumaginninnikkut misissuinissaq, angerlarsimaffimmut isersinnaanissaq, siuartinneqarsinnaavoq. Kisianni pisuni taamaattuni kikkut tamarmik isumannaatsuunissaannut toqqisisimanaissaannullu tunngatillugu pitsaalieuissutit politiit naujuttariaqaraluuarput.

Akissut: Kommunalbestyrelsi inatsimmi § 28 malillugu angajoqqaanit akuersinertaqanngitsumik meeraq angerlarsimaffiup avataanut inissinneqassasoq aalajangerpat, kiisalu communalbestyrelsi § 45 malillugu isumaginninnikkut misissuisoqassasoq aalajangerpat, aammalu meeqqap atugarissaarnera, peqqissusaa ineriartorneraluunniit aarlerinartorsiornersoq aalajangerniarlugu inigisamut isersinnaanissaq pisariaqarpat, aalajangersagaq atorneqarsinnaavoq.

Meeqqat inissisimanerat pillugu isumaginninnermut ataatsimiititaliap aalajangiinerisa atuutsinneqarnerat, pissanermik atuilluni eqqartuussummik naammassinnitsisartup ingerlaannaq piviusunngortinnejarsinnaavoq, takuuk Kalaallit Nunaannut eqqartuussisaaseq pillugu inatsimmi § 631, takuuk § 632.

Politiit piumasaqaat naammassittussaavaat, takuuk Kalaallit Nunaannut eqqartuussisaaseq pillugu inatsimmi § 597, imm. 3.

Taamaalilluni pissutsit matuma siuliani taaneqartut pillugit kommunimi isumaginninnermut ataatsimiititaliaq aalajangiisimassasoq, kiisalu kommunimi sulisut naminneq kinaassutsiminnik upernarsaasinnaasariaqartut, assersuutigalugu sulisunut korti il.il. atorlugu, piumasaqaataavoq.

Sulisut isumannaatsuunissaat eqqarsaatigalugu aalajangersakkamut nassuaatini allassimavoq, siuliani taamaattuni nalinginnaasumi ilaasutut eqqartuussummik naammassisitsiniaasartoq/politiit atuutsitsiniarnermi ikuuuttussanngorlugit suleriaaseqarnikkut, kommunip sulisumi isumannaatsuunissaat isumannaartariaqaraa.

§ 9 aamma 10 Nakkutilliineq

KS ulloq unnuarlu paaqqinniffit pitsaanerusumik nakkutilliivigineqartalernissaannut neriuulluartumik isummerpoq, tassami meeqqap pisariaqartitaasa ineriarneratalu isumannaarnissaa siunertaralugu, inissiinerit pitsaassusissaannut pitsaanerusumik misissuisarnissaq aammalu immikkullarinnerusunik piumasaqaateqarnissaq pisariaqartinneqartoq misigisarparput. Taamaattumik ulloq unnuarlu paaqqinniffinnut tunngatillugu pitsaassusissanut piumasaqaatit erseqqinnerutinnissaat isumaliutersuutigineqassasoq KS-ip kaammattutigaa. Taamaattoq aamma tamanna ulloq unnuarlu paaqqinniffit pillugit Inatsisartut peqqussutaata 1994-imeersup ataaniissimasinnaavoq.

Taamatuttaaq KS isumaqarpoq kommuninut nakkutilliineq pitsasusuusoq, tassami tamanna suliffiup iluani suleriaatsit misissorneqarnissaannut pilersitsiviulluartumik pissutissaqalersitsisarmat, Aammattaaq suleriaatsit pitsaassusaasa qulakkeernissaanut minnerunngitsumillu innuttaasut inatsisitigut pisinnaatitaaffiisa qaffasinnerulersinnissaanut, tamanna periarfissaavoq annertooq.

Oqaatigineqassaaq communalbestyrelsip suliassanut ataasiakkaanut akisussaasuunera Naalakkersuisut ataaqqivaat, taamaalillutillu aalajangiinissaq tunuarsimaarfigalugu, kisianni Naalakkersuisut tamanna naleqquttuusorippassuk innersuussuteqassalluni/peqqusissuteqassalluni.

Akissut: Suliassaqarfimmi nalunaarutinik suliaqarnermut atatillugu pitsaassutsimut piumasaqaatit annertuumik suliarineqassapput.

§ 12 Qitiusumi siunnersuisarfik

Meeqqat pillugit suliassanik suliarinninnermut atatillugu kommunit siunnersorneqarnissamut ilitsorsorneqarnissamullu periarfissaqarnerat pitsaasuuvvoq. DCR-ip aamma kommunit akornanni suleqatigiinnissamut isumaqatigiissuteqartoqarpoq, tassani suleqatigiinnissamut killissaliussat nalinginnaasut nassuarneqarlutik. Taamaattoq DCR-imik suleqateqarnermut killissaliussat aalajangersimanerusut suli KS-ip maqaasivai. assersuutigalugu DCR-ip aamma

Nakkutilliinermut immikkoortortap akornanni paasissutissanik avitseqatigiittarneq. DCR-ip paasissutissat kommunit sulusuinit supervision-ertitsinermut atatillugu pissarsiai qanoq iliuuseqarfingineqartarpal? imaluunniit DCR suliami aalajangersimasumi, qanoq taanna suliarineqassanersoq kukkusumik siunnersuisimappat/suliarinnissimappat?

Akissut: Ilanngunneqanngilaq. Aallaaviatigut communalbestyrelsip paasissutissanik inunnut tunngasunik ingerlatitseqqissinnaanissaanut innuttaasoq akuersissuteqaqqartussaavoq, takuuk §13, imm. 2. Taamaattoq communalbestyrelsi, suliami pisut, ilanngullugu innuttaasup inatsisitigut pisinnaatitaaffii, takuuk § 13, imm. 3, tamanna ajornartinngippassuk paasissutissanik inummut tunngasunik ingerlatitseqqissinnaavoq. Aalajangersakkamut nassuiaatit itisiliisumik nassuiaapput, pisut taamaattut qaqugukkut pilersinnaanersut. Taamaattumik pissutsit taakkua inatsimmi matumani erseqqinnerusumik sammineqanngillat. Paasissutissat DCR-ip supervision-ertitsinermi pissarsiarisa, inunnut paasissutissanut inatsimmut naapertuuttumik pineqartussaapput.

Kukkusumik siunnersuinermi /suliarinninnermi, tamanna taarsiissuteqartarnermut inatsisini maleruagassat nalinginnaasut malillugit suliarineqartariaqassaaq.

§21 Ikorsiissutit

Meeqyanut, Ilaqtariinnut Atuarfeqarnermullu Ingerlatsiviup (MIA) aammaloorluni (takuuk Tusarniaanermut akissuteqaat) meeqqat pillugit inatsimmi tapersiissutaasartunut, pisortanit ikorsiissutit ataanniittussanut, ammaassisoqarmat naapertuutningitsoq uparuassavaa. Aningaasatigut ikorsiisarneq innersuussutigineqarpoq, ilanngullugit ineqarnermut akiliutit akilinngitsuukkat. KS-ip inissiinissanik pitsaliuinermerik siunertaqarneq ataqqivaa, kisianni isumaqarluni ulluinnarni suliaqarnermi periarfissaq naapertuutningitsorujussuusoq. Innuttaasoq taamaalilluni "karsini" marlunni ilaatigut ineqarnermut akiliummut akilinngitsuukkamut ikorneqarnissaq pillugu qinnuteqarsinnaanermini, nammineerluni aningaasaqarnerminut akisussaasuunerminut akisussaasuujumannginnissamut suli allamik periarfissaqalissaaq.

Meeqyanut aningaasatigut tapersiinermi meeraq toqqaannartumik aallaavigineqarnerussaaq, soorlu assersuutigalugu efterskolertitsineq (aamma tassani immikkut pisariaqartitsineq aallaavigalugu), atisat ukorsiutit, ineriartortitsinissamut periarfissaqarneq. Periarfissaq alla tassaasinnaavoq iniusuttunut inissiamut tapersiineq, taamaattumik pissarsinissaq ajornarsimannngippat. Inuuusutt 18-it inorlugit ukiullit INI imaluunniit Iserit aqqutigalugu inissiamik pissarsisinnaanngillat, taamaattumik inuuusuttoq angerlarsimaffimmini najugaqarsinnaanngippat inissiinissaq pisariaqartarpoq.

Akissut: Ilanngunneqanngilaq.

§ 24 Angajoqqaat akisussaaffeqarnerat

Angajoqqaat akisussaaffeqarnerat qanoq paasisariaqarnersoq ersarissumik nassuiarneqarnera KS-ip ujartorpaa. Oqaaseq aalajangersimasuunngilaq, tamat oqallinneranni tusarsaavallaarani. KS-ip suliniutini neqeroorutigisatsinni, ilaatigut oqaloqatigiinnerni, ilaqtariinnik isumaqatigiisitsiniarnerni, siunnersuinerni ilitsersuinernilu, ilaqtariinnik ineriartortitsinermut pikkorissaanerni, ilaqtariinnik katsorsaanerni il.il., angajoqqaat akisussaaffeqarnerat aamma angajoqqaatut piginnaasaqarneq annertuumik suliniarfingaa. Ulluinnarni suliaqarnermi angajoqqaat akisussaaffimminnik naammassinninissaasa qulakkeernissa ajornakusoortarpoq, akisussaaffifik amerlanertigut kommunimut tuttarpoq.

Ilaqtariit isumalluuteqarluartut paragraffi taanna iluaqutigisinnaavaat, tassami ilaqtariit pilersitsiviulluartumik suleqatigalugit aallartitoqarsinnaassammat aammalu ilaqtariit namminneerlutik ujartorsimanngissinnaasaannik ikiorneqarsinnaassallutik.

Akissut: Ilanngunneqanngilaq. Angajoqqaat akisussaaffeqarnerat inatsimmi annertunerusumik nassuiarneqanngilaq. Meeqqap atugarissaarnissaanut tunngatillugu illuatungeriit akornanni suleqatigiilluarnissaq sammillugu pitsaliuilluni suliniuteqarnertut, pilersitsiviulluartumik suleqatigiinnermi angajoqqaat akuutinneqartarnissaannik taamaallaat aalajangersagaq siunertaqarpoq.

§ 25 Meeqqat akisussaaffeqarnerat

KS-ip sapinngisamik meeqqat inuuasuttullu unammilligassaannik aaqqiiniarnermi akuutinniartapai kajumilersinniartarlugillu. Meeqqat tamanna sapersimanngippassuk, namminneq siunissaannut akisussaaffeqarnissaannut akuutinneqartarnerat pitsasuuvvoq. Taamaattoq suliaqarnermi pissusilersonerannut peqqusissuteqarnerit meeqqamit naammassineqarnissaannut atuutsitsiniarneq ajornakusoortarpoq. KS-ip Inuuasuttunut siunnersortini ineriartortitsinermik ingerlataqarneq neqeroorutigisarpaa, tamannalu inuuasuttunik oqaloqateqarnermit peqqusissuteqarnermillu sunniuteqarnerussasoq ilimanarpoq. Inuuasutt assersuutigalugu atuarnerminnik paarsinissaannut, kissaatigineqartumik pissusilersonissamut kajumissuseqalersinniarlugit annertuumik sulivugut.

Akissut: Oqaaseqaat inatsisip atuutsinneqarnerata ingerlaqqinnerani ilaatinneqassaaq.

§ 27 Angajoqqaatut oqartussaassusilimmik akuersititseqqaarluni inissiineq Imm. 4-imi angajoqqaatut oqartussaasup meeqqap inissinneqarfianut inissinneqarnissaa periarfissiissutigineqarpoq. Suliaqarnermi ulloq unnuarlu paaqqinniffit, angajoqqaatut oqartussaasumik meeqqamut peqatigitillugu inissiinissamut inissaqartitsisut periarfissaqartullu, amerlanngillat. Ilaqtariinnik katsorsaanissamut neqerooruteqarpoq, KS-imi aammalu paaqqinniffinni Namminersorlutik Oqartussanit pigineqartuni ilaqtariit ataatsimoortillugit inissinnissaannik qulakkeerisinnaasunik. Kisianni siunertaavoq pitsaliuinissaq aammalu siunertaasoq malillugu immikkullarissumik siunertaqartumik nalilerneqarlni.

Angajoqqaatut oqartussaasup meeqqamut peqatigisillugu inissinneqarnerani kommunit annertuumik aningaasartuuteqartussaanaerisa saniatigut, inatsimmi tunngaviusumut tassunga sanilliullugu immikkullarissumik killissaliisoqartariaqarluarpoq. Ammattaaq suliaqarnermi taamatut inissiinissamut periarfissanik peqassaaq, tassami kommunit taamaanngippat akunnittarfimmiititsinermut akiliisariaqalersinnaapput imaluunnit angajoqqaatut oqartussaasumut akeqanngitsumik ineqartitsisariaqarsinnaallutik. Maannakkut tikeraarluni angalanerit aningaasaliivigineqarsinnaapput, tamanna paragraffimi siunertaasimappat, angajoqqaatut oqartussaasup aamma meeqqap imminnut attaveqatiginnissaannik qulakkeerisumik.

Akissut: Ilanngunneqanngilaq. Aalajangersakkami communalbestyrelsip angajoqqaatut oqartussasut imaluunniit ilaquaasut allat inissiiviusumi ulloq unnuarlu inissinneqarnissaannik neqerooruteqarsinnaanera taamaallaat periarfissiissutigineqarpoq. Aalajagersakkap siunertarinngilaa meeqqap inissinneqarnerant atatillugu angajoqqaat akunnittarfimmiitinnissaannik imaluunniit allatut inissaqartinnissaannik neqerooruteqarnissamut communalbestyrelsi pisussaaffeqartoq allassimasoqanngilaq.

§ 36 Matoqqasumut inissiineq

Oqaatigineqassaaq isumannaallisagaasumik inissiinissamut akisussaaffeqarneq kommunalbestyrelsimit nuunneqartoq, naak inissiinissaq utaqqiisaagallartutut isikkoqarluartoq. Maannamut isumannaallisagaasumut inissiinissap isumagineqarnissaanut Naalakkersuisut akisussaasuusimapput. Siunertamut inissiaq ataaseq aaqqissuullugu KS-ip sulissutigilereerpa, kisianni inuusuttup toqqisisimasunik atugaqarnissaanik qulakkeerisut aalajangersakkat maqaasillugit. Nassuaatini allassimavoq meeraq pissusiviusuni politiinit tigusarineqarsimasoq, Taamaattumik taakkua meeqqamut taamatullu sulisut inissiinerup nalaani isumannaatsuunissaannut akisussaasuusut, aalajangersakkami allassimasariaqarluarpooq. Inuusuttumut ulorianarsinnaasumut aammalu annertoorujussuarmik persuttaasartumut tunngatillugu isumannaallisaanerup isumaginninnermi siunnersortimut imaluunniit perorsaasumut isumagitinnissaa naammanngilaq akisussaassuseqarnerunani. Isumaginnittoqarfip suliassaa tassaasariaqarpoq meeqqap inissinneqarnermi nalaani pisariaqartitai, aammalu tassaasariaqarani isumannaallisaanermik isumaginninnineq. Isumaginnittoqarfik tamanna pisariaqassagaluarpat meeqqamik noqinninnissamut imaluunniit tigusarinninnissamut naammattumik inatsimmi tunngavissaqanngilaq.

Meeraq tigusarineqarnissami tungaanut inissinneqarsimasuuppat imaluunniit isumannaallisagaasumi immikkoortortaqarfimmi inissinneqarsimalluni, sulisunik meeqqat ilisarisimasaannik toqqisisimanartitaannillu ilaasoqartariaqarpoq. Aammattaq Naalakkersuisut sulisuni inuusuttunut ajornartorsiortunut tunngasunik misilittagaqartunik atugassiillutik ikiutissappata, tamanna naapertuitissaq, Kommunit inunnik meeraaqquerivimmut assigisaanulluunniit aallertassappata, tamanna naapertuitinngitsorujussuussaaq.

Taamaalilluni taakkua sunnertiasut isumannaariviginissaannut suliassaqarfiiit akimorlugit aammalu suliaqarfiiit akimorlugit akisussaasoqartariaqarpoq.

Akissut: Inissanut isumannaallisagaasunut tunngatillugu inatsisip atuutsinneqarnerata ingerlanera, ilanggullugu paarnaaruussivimmi inissiinerit, suliassaqarfiiit akimorlugit suleqatigiinnermi ingerlanneqassaaq, tassani politiinit, pinerluttulerisunit, kommuninit aamma naalakkersuisoqarfimmit allartitat qaaqquneqassallutik. Tamatuma inernerisai inatsimmi matumani tunngaveqartumik nalunaarutinik suliaqarnermi ilaatinneqassapput.

§ 42 Inisseereernerup kingorna isumaginninneq

Inuusuttortatta ajornartorsiortut inisseereernerup kingorna isumagineqartarnissaannut KS isumaqataasorujussuuvoq. Taamaattoq inuusuttut ilaasa inisseereernerup kingorna isumagineqarnissamik neqeroorfigineqartut, neqeroorutit atortanngikkaat misagineqartarpoq, Taamaattumik allassimasariaqarpoq inuusuttut ineriertornissamut piukkunnaateqassasut. Tamatumani inuusuttut kajumissuseqanngitsut imaluunniit tapesiivigineqarusungitsut, inuusuttunit neqeroorummit iluaquserneqartussanit, isumalluutinik tigusinnginnissaat qulakkeerneqassaaq.

Akissut: Ilangunneqanngilaq. Aalajangersakkami qulakkeerneqarpoq, inisseereernerup kingorna isumaginninnerup, pisuni inisseereernerup kingorna isumaginninneq inuusuttup atugaannut, peqqissusaanut ineriertorneranullu pingaaruteqartutut isigineqartariaqartillugu, neqeroorutigineqartarnissa. Inuusuttoq kajumissuseqarani imaluunniit tapesiivigineqarusugani pisoqartillugu, tunngavissarititaasut naammassineqarsimannngitsutut isigineqarput, tamatuma kingorna inuusuttup

*inisseereernerup kingorna isumagineqarnissaanik neqerooruteqarnissamut
kommunalbestyrelsi pisussaaffeqassanani.*

§ 59 Pineqaatissiarternut aalajangersakkat

Pineqaatissiarternut siunertaasup itisiligaasumik nassuiarneqarnera KS-ip maqaasivaa. Nakkutilliinermut immikkoortortaq suliassanik suliarinninnermut tunngatillugu iliuuseqarnissamik peqqusisinnareeropoq aammalu kommunit meeqlanik sumiginnaanissaq siunertarisangilaat. Taamaattoq paragraffi taanna immikkut annertuunik pisoqarnerani qaqtiguinnaq atorneqartassasoq KS-ip tatigaa.

Aningaasat taakkua pineqaatissiinermi tassani tunniunneqartut toqqaannartumik meeqlanut iluaqutaassappata naleqqutissaaq. Kommunit missingersuutiminni annertuumik tatisimaneqareerput aammalu pineqaatissiissutip taassuma kommunip karsia aningaasartuuteqarteqqittussaavaa. Tamanna naggataatigut iliuusissatut neqeroorutaasunut meeqlanut ikuutaasussanut, ajoqtaasinnaavoq.

Naggataatigut paragraffini aaqqissuussineq imaluunniit tulleriinnilersuineq naapertuunersoq isumaliutersuutigineqarsinnaavoq, kisianni tamanna isikkuunuunerusoq tunngavoq, soorunami imarisai pingarnerpaajullutik.